

**USAGLAŠENI AMANDMANI
NA NACRT ZAKONA O SIGURNOSTI I ZDRAVLJU NA RADU
IZMEĐU PREDSTAVNIKA
UDRUŽENJE POSLODAVACA FBiH I SAVEZA SAMOSTALNIH SINDIKATA BIH**

Amandman I – SSSBIH

U članu 6. dodaje se novi stav 3.
„(3) Odluku iz stava 1. ovoga člana donit će se u roku od šest mjeseci od dana stupanja na snagu ovoga zakona“ - **PRIHVAĆEN**

Amandman II - UPFBiH

U članu 22. u stavu 5. riječi „i sindikat“ se brišu. - **PRIHVAĆEN**

Amandman III – KOMPROMIS

U članu 29. u stavu 4. riječi “do deset radnika” se zamjenjuju riječima “do trideset radnika” - **PRIHVAĆEN**

Amandman IV – SSSBIH

U članu 33. u stavu 2. iza riječi „područje“ ostatak teksta briše se i zamjenjuje tekstem „ne smiju snositi negativne posljedice u smislu propisa o radu“. - **PRIHVAĆEN**

UP FBiH

U članu 33. stav 3. briše se točka, stavlja zarez i dodaju riječi „pod uslovom da te mjere ne smiju biti u očitom neskladu sa opasnosti.“ - **PRIHVAĆEN**

SSS BIH

U članu 33. stav 4. mjenja se i glasi:
„(4) Zbog poduzimanja mjera iz stava 3. ovoga člana radnici ne smiju snositi negativne posljedice u smislu propisa o radu“ - **PRIHVAĆEN**

Amandman V - UPFBiH

U članu 36.tačka 1 riječi “ i sindikat” brisati. – **ODUSTALO UP**

Amandman VI - UPFBI

Članovi 40-42 brisati. **PRIHVAĆENO**

Amandman VII-KOMPROMIS

U članu 43. stav 1. broj „15“ zamjenjuje se brojem „30“-**PRIHVAĆENO**

ZAJEDNIČKI PREDLOG

U članu 43. dodaje se novi stav 5. koji glasi:
„(5) Povjerenik iz ovoga člana mora imati određenu stručnu spremu, kvalitetno znanje i iskustvo iz ove oblasti te određene sposobnosti i vještine za dodatno osposobljavanje iz ove oblasti“ - PRIVAĆENO

Amandman VIII-SSSBIH

U članu 44. u stavu 1. dodaje se nova točka c. koja glasi:

„c) Informiše radnike o provođenju mjera sigurnosti i zdravlju na radu“. -
PRIHVAĆEN

Dosadašnje tačke c. i d. postaju tačke d. i e.

U članu 44. stav 2 briše se.

KOMPROMIS

U istom članu stav 2. mijenja se i glasi:

„(2) Za vrijeme obavljanja poslova utvrđenih ovim zakonom, povjerenik za sigurnost i zdravlje na radu iz reda uposlenika ne može biti uskraćen za naknadu koju bi ostvario da radi svoj posao“ - PRIHVAĆEN

UP FBIH

U istom članu stav 3. mijenja se i glasi:

„(3) Poslodavac je obvezan povjereniku radnika za zaštitu na radu osigurati uslove za nesmetano obavljanje dužnosti u skladu s općim propisima o radu kojima su propisani uslovi za rad vijeća zaposlenika. - PRIHVAĆEN

Dosadašnji stavovi 3. i 4. postaju 2. i 3.

Amandman IX- UPFBIH

U članu 52. u stavu 3. briše se točka, stavlja zarez i dodaju riječi „ osim u slučajevima ako poslodavac dokaže da se radnik neopravdano udaljio sa radnog mjesta, “ -
PRIHVAĆENO.

Amandman X-KOMPROMIS

U članu 58. Stavu 1. briše se tačka i dodaju riječi “ukoliko takvo radno mjesto postoji kod poslodavca”-PRIHVAĆENO

U istom članu stav 2. briše se.- PRIVAĆENO

U članu 58. dodaje se novi stav koji glasi:

„(2) Ukoliko ne postoji radno mjesto iz stava 2. ovoga člana primjenjuje se član 74. Zakona o radu FBiH“. - PRIHVAĆENO

Amandman XI - SSSBIH

U članu 69. dodaje se novi stav koji glasi:

„(3) Radnik sa invaliditetom odnosno preostalom radnom sposobnosti ne smije obavljati poslove na kojima postoji opasnost smanjenja preostale radne sposobnosti“ - **PRIHVAĆENO**

Amandman XII – SSS BIH

Amandman na član 71. – SSS BiH **ODUSTAO**

Amandman XIII-UPBIH

Iza član 84. Dodaje se novi član 85. koji glasi:

„ (1) Novčanom kaznom u iznosu od 5.000,00 KM do 15.000,00 KM kaznit će se za prekršaj odgovorna osoba u organu nadležanom za nadzor, provedbu i primjenu ovog Zakona, ukoliko:

- ne obavi inspekcijski nadzor ili ne poduzme upravne mjere kada je očito da je to morao obaviti;
- pri obavljanju inspekcijskog nadzora prekorači ili zloupotrebi svoje ovlasti, namjerno ili iz grube nepažnje;
- namjerno ili iz grube nepažnje, u propisanom roku ne izvrši izvršno rješenje o određenoj upravnoj mjeri,
- namjerno ili iz grube nepažnje, neposrednim, nestručnim ili nezakonitim radom u obavljanju inspekcijskog nadzora nanese veću materijalnu štetu subjektu nadzora ili drugoj osobi.

(2) Za prekršaj iz stava 1. ovog člana kazniće se odgovorna osoba- inspektor, novčanom kaznom od 500,00 KM do 1.000,00 KM.

(3) Za prekršaj iz stava 1. ovog člana kazniće se rukovodilac nadležnog organa, novčanom kaznom od 1.000,00 KM do 2.000,00 KM.“ - **PRIHVAĆEN**

Dosadašnji članovi 85-91 postaju članovi 86-92.

Sarajevo, 09.03.2016. godine

ISPRED SSS BIH

Husić Sinan

Iveljić Kata

ISPRED UP FBIH

Čengić Safudin

Pandurević Mladen